



Future-proofing our children

Ditaelo tsa tumelo 2

Setlhogo

Tsogo ya ga Jeso Keresete

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Tsogo ya ga Jeso Keresete**” Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://www.nac-sa.org.za/nac-sa-home/nac-sa-pastoral/sunday-school.html
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) • Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (SS1, RI1 kana Tlhomamiso). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka
6.	Kwala dintlha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa sone go go fa kitso e nngwe.



Thuto

Setlhogo	Tsogo ya ga Jeso Keresete
Temana	Matthew 28: 1-8 and Luke 24: 13-49
Maikaelelo a thuto	Bana ba ithuta gore ka tsogo ya gagwe Jeso Keresete o re diretse sebaka sa go tla go fetolwa ka nako ya tsogo.

Tshoboko ya thuto:

- Mo maitseboweng a papolo, Joseph, monna wa mohumi wa ko Arimathea, yo e bileng a ne a le morutwana wa ga Jeso, a ya ko go Pilate a mo kopa mmele wa ga Jeso.
- O ne a tthomamisa gore Jeso o fitlhlwe fela jaaka e le ngwao ka batho ba maemo.
- Morago ga phitlho phuphu e ne ya tswalwa ka lentswe le letona e bo e katiwa, gonne baruti le bafarasai ba ne ba akanya gore barutwana ba tla tla ba utswa mmele wa ga Jeso ba bo ba re o tsogile. (Matthew 27: 57-66)
- Ka letsatsi la boraro la papolo, Mary Magdalene le Mary yo mongweba ya ko phuphung mme ka tshoganetso g anna le thoromo ya lefatshe.
- Moengele wa Morena a fologa ko legodimong a pitikolola lentswe a bo a nna mo go lone.
- Sefatlhego sa gagwe se ne se phatshima jaaka legadima le diaparo tsa gagwe di le ditshweu jaaka kapoko. Masole ba ba disitseng phuphu ba tshoga ba sala o kare baswi.
- Moengele a raya basadi a re, “Se boifeng, Jeso ga a yo fa gonne o tsogile, jaaka a buile. Bonang lebitla ga lena sepe le ye go bolelele barutwana gore o tsogile”.
- Mo tseleng Jeso a ba bona, mme a re, “Ipeleng!” ba tla ba mo tshwana dinao, ba mo obamela.
- Jeso a ba raya a re, “le seka la boifa. Yang le bolelele barutwa go ya ko Galilee, mme koo ba tla mpona.”
- Jeso o ne a sena sebe mme a swa go ya ka thato y aga Rraagwe. Ka thata ya Modimo o ne a tsoga mo lesong.
- Ka tsogo y aga Jeso Modimo wa dira selo se sesha, mmele o mosha o sa boeleng ko ttholegong.



- Ka mmele wa gagwe o mosha Jeso o ne a kgona go itshupa gongwe le gongwe kwa a batlang go itshupa teng, o ne a kgona go bua le go ja.
- Luke 24: 13-49 e tlhalosa se se neng sa diragalela ba ba neng ba kopana le yo o tsogileng.
- Barutwana ba ga Jeso ba ba bedi e rile ba le mo tseleng go ya Emmaus ba kopana le Jeso.
- Ba ne ba itse ka papolo yaga Jeso le tsogo ya gagwe mme ba ne ba sa dumele.
- Fa Morena a tsamaya le bone ba ne ba sa mo lemoge.
- Ke fela fa Morena a roba senkgwe a se ba neela ke fa matlho a bone a bulega ba bo ba mo lemoga. Gone foo Jeso a nyelela mo matlhong a bone.
- Barutwana ba babedi ba ba ya kwa go ba bangwe ba ba bolelela se se diragetseng. Fa ba ntse ba bua, Jeso a itshupa fa gare ga bone, a ba raya a re, “Kagiso e nne le lona.” Bane ba tshogile ka gore Jeso o tsene lebatlhi le ntse le tswetswe.
- Bane ba tsaya gore ke sepoko. A ba supegetse matsogo le dinao, a ba raya a re ba mo tshware, “Sepoko ga sena nama le marapo jaaka ke ntse”.
- Bane ba gakgametse e bile ba sa dumele.
- Ke fela fa a sena go ja tlhapi e b neng ba mo e file ke gone ba dumela gore ga se sepoko ke Jeso yo o tsogileng.

Thuto e e re ruta eng?

- Jeso o ntshitse setlhabelo go swela dibe tsa rona, mme o tsogile.
- Re dumela mo tsogong yaga Jeso e bile re e bua mo maikanong a rona a bobedi.
- Tsogo yaga Jeso ke sesupo le netefatso ya tsogo ya baswi.
- Fa Jeso a bowa baswi mo Moreneng e tla nna ba ntlha go tsoga.
- Ba e leng ba gagwe ba ba tlaabong ba santse ba tshela fa a tla, ba tla fetolwa ba fiwa mmele wa tsogo.
- Fa Jeso a tla re batla go fetolwa kana go tsosiwa.
- Go amogelwa fa Jeso a tla re tshwanetse go latlha borona, le bo itse tsotlhe, le lefufa mo matshelong a rona, mme re amogele mautlwelobotlhoko a Modimo.

Re batla go tshela ka fa thatong ya Modimo le go nna le tumelo go ya phelelong. Gakologelwa go ipaakanyetsa go tla ga ga Jeso le go nna mo tsogong ya ntlha.



Dira tekeletso 1 le 2 le ngwana wa gago.

Dipotso tse re ka di botsang:

1. Ke eng se se tlhokegang mo tsogong ya baswi?
A: Tsogo y aga Jeso
2. Ke mo maikanong a fe a rona a re buang ka tsogo y aga Jeso?
A: Maikano a bobedi
3. Re dire jang go amogelwa fa Jeso a tla?
A: Go amogelwa fa Jeso a tla re tshwanetse go latlha borona, le bo itse tsotlhe, le lefufa mo matshelong a rona, mme re amogele mautlwelobotlhoko a Modimo. Re tshele ka fa thatong ya Modimo

Thapelo ya ga Rre le Mme le pele ga thuto:

*Modimo o rategang, ke lebogela letsasti le
Segofatsa batsadi le bana botlhe
Mma re ikutlwele boleng teng jwa gago
Segofatsa thuto e re yang go e amogela
Re kopa o re rute go go direla
Re thuse go dira thato ya gago
Gore re golele gaufi le wena
Romela Jeso go tla go re tsaya
Mme re bo re ipaakanyeditse go mo kgatlhantsha
Amen*

Thapelo ya morago ga Thuto:

*Rraarona wa ko legodimong
Re lebogela pabalelo ya gago.
Nthusa go nna lerato mo go ba bangwe.
Re lebogela go bo o le Modisa yo molemo yo o re tlhokomelang ka lerato.
Amen*